

民國十五年以前之蔣介石先生三

根據奉化市文保會藏本復印

一九九二年九月

第六編二

韜養時期

民國九年至民國十年卽三
十四歲至三十五歲

第六編二 韜養時期

民國六年至十二年卽三十一歲至三十七歲

民國九年（西曆一九二〇）公三十四歲。

一月患目疾。

二十日總理病往視之。

二十七日王太夫人又扶病蒞滬至三月

一日回鄉公日進（此處文字模糊）惟謹侍坐話。

家常輒引起傷感。

二月一日謁見總理談黨務及國內時事。

二十二日總理與日友岡本理治坐談。適公往謁遽離席介紹之。譽不絕口。公爲色沮。

總理恆對公縱談歷代之興亡得失。關於清代建國規模之宏遠與其勅諭法典之精深尤詳加指示。公私讌會皆待以賓禮。

而公則師事彌篤矣。

四月二日。總理召商閩粵軍事。

八日離滬。公以陳許鄧朱符大迭電迫催。

總理暨廖仲愷等又屢面勸故勉爲一行。

十一日抵漳州。

十三日在總部議事。

十四日籌定作戰計劃。

十六日。潛往鼓浪嶼。公以擠於羣小。神
經痛刺。故來此避居。

十八日。浙軍進佔安海安溪。

二十二日。離嶼歸滬。

二十五日。公病。

廣州軍政府自內部發生衝突。唐繼堯伍
廷芳唐紹儀三總裁宣告脫離。在粵國會
議員。於五月四日。補選政務總裁。熊克武。

溫宗堯、劉顯世當選。

二十六日。診者斷爲傷寒症。入篠崎醫院。
二十七日。總理臨問。勸病愈後赴漳。

六月三日。王太夫人聞訊來滬。留五旬回奉

十五日出院。

二十一日醫牙。

二十八日附輪遊普陀。

二十九日晡上山。棲積善堂出遊前寺。

三十日遊後寺躡佛頂山探古佛洞。

七月一日訪紫竹林西方院廣福院及法華洞觀音洞蓮花臺般陀石諸勝。

總理命朱大符廖仲愷至漳促陳帥師回粵許以經濟上之援助。

二日遊般陀菴普慧菴下午搭輪來甬。

四日卽回滬。

八日離滬赴閩。

以朱

大符

廖

仲愷

等電催胡

漢傳
民戴賢等面勸也。

十二日在鼓浪嶼賃定寓館。

雞姆嘴口 E
二五四號

館面東南。植立山巔。海波盪胸。森林彌望。
清晝鳥語花香。農歌漁唱。入夜天寥氣爽。
月白潮鳴。公謂「此境殆非人寰。留憩讀
書。善養浩然。豈不自適其天。」

十六日如漳。

越宿
回嶼

十七日晚會陳總司令談戰事。

時炯明

擴充私人軍隊。增編至十餘旅。謝文炳、葉
舉、練演雄、關國雄、陳炯光、尹驥、翁式亮、熊
略、鍾景棠、楊坤如、陳修爵等皆任旅長。司
令統領。務壓抑異己。與許積不相能。諸事
莫舉。公甚慮之。

十九日。研審閩粵交界圖。

二十日。廖仲愷以總理電見示。語氣殊
著急。公爲蹴然。

薄暮遊日光巖。上有古避暑洞一座。過洞即見嶼南之大海。公謂全嶼之風景當以此巖爲最奇特。

二十二日接奉總理電言有根本解決之大計畫。公急欲聞之。

二十三日函陳總司令敘作戰計畫。稿佚

八月二日在漳總部議事。

五日接滬電離嶼。

七日下午抵上海。卽偕仲愷謁總理談
粵軍及國內大局。

十一日回武嶺。

十三日遊雪竇。

十六日薄暮。公在飛雪亭畔。倚崖側喬松。
鳥瞰千丈巖瀑布。會大雨。樹杪重泉。濺珠
噴玉。光色甚奇。登妙高臺。南向突出。三面
凌空。惟見衆山之小。諸流之細。亭下

村名屋

舍儼然。

十八日。公探隱潭。第一潭黝暗。在峽谷圓徑。不過丈餘。而深度莫測。潭前涓流一脈。經第二三潭而入大溪。第三潭爲一大巖穴。寬約二丈。上有覆蓋峭壁迴合。前面驕開。高可百米。突右有激湍冲瀉。數爲觀止。二十九日。返家。

三十日。奉總理電召去滬。

三十一日。總理暨仲愷傳賢等強赴粵。
東以公固執而止。

九月四日。丁景梁暴卒於汀州行營。

景梁湖北

房縣人。公好友也。少年英發。辛亥鼎革。以湖北陸軍特別校學生在九江響應鄭汝成伏誅。肇和艦發難。皆預其役。陳其美被刺。追賊中彈幾殉。至是在汀州營。次治軍書。適大雷雨。觸電綫而死。年二十有九。

六日。虎門礮臺受朱大符、吳禮和等運動。
宣布獨立。

八日回寧波。

十日上午七時。偕周駿彥。俞飛鵬。蕭萱。遊天童將近。見衆峯擁仗。萬松列屏。嘖稱異境。傍晚至寺。寄棲玉佛閣。

十一日上午。寺僧導遊各處禪堂及正廳。規撫宏壯。公評爲浙東第一寺。下午探玲瓏巖。尋古天童。

十二日。粵軍與李厚基協定。讓還閩南各

地而以接濟軍械。臧致平旅來粵參戰。爲條件。

十三日。陟小磐山。拜摩訶祖師塔墓。

十四日。訪吟香塔院。

十五日。復陳炯明電。約緩赴粵東。

稿佚

附來電

轉介石先生鑒。對桂將下動員令。請剋日來粵。勿延爲盼。炯明真。九月十一日。

自直皖啓釁。莫榮新與直系勾結。欲聯海

軍夾攻。借攻閩爲名。圖消滅援閩粵軍。先

委炯明爲援閩第一軍總司令。示無併吞

意。炯明知不可免。乃一面向榮新催發餉

彈。一面密爲備戰。乘桂系前方部署未定。

於十六日誓師。漳州公園分三路前進。第

二軍許崇智任右翼。附陳炯明兩部。肅

光賴

清韓江上流。轉向興寧。第一軍葉舉一部。

任中路由饒平平原而出。高陂其另一部。